

1/1989 LEGEA, Apirilaren 18koa, ehizeko eta ibai-arrantzuko ardularitza-hauspen jakin batzuren zermugapena aldatu eta zigorren zenbatekoa haundiagotzen duena. (Hutsen zuzenketa, EHAA 194 ZK., 1989/10/16)

ZIOEN ADIERAZPENA

Ehizeko eta ibai-arrantzuko ardularitza-hauspenen aurkitzen gareneko ekonomi eta gizarte-egoerari egokituzko zenbatekoak finkatzen dira Lege honetan, eta horiek etengabe eguneratzen joateko bideak jartzen eta, horiek, zenbateko berberei denboraldi luzeetan eusteagatikako diru-hutsaldizko egoerarik berriro ez izateko, noski, hori eraginkortasunaren kalterako izango litzateke eta. Bestetik, gehiago atzeratzerik ez zegoen berrikuntza honetzaz baliatuz, ardularitza-hauspen jakin batzuk aldatu eta Euskal Herriko Autonomi Elkarteak bere berarizko dituen zernolakoei eta konstituzio-manuei egokitzen zaizkie.

2. Atala

Ondoren ematen direnak jotzen dira ibaiko arrantzuko lege-hauspen oso larritzat eta 50.001etik 500.000 pezetarainoko isunezko zigorra jartzeaz gainera, arrantzurako baimena kendu eta hiru urte-tik bost urteko aldian hori berriro eskuratzeko eskubiderik ez izanezko zigorra jarri beharrekotzat:

- 1.– Arrainen pasa-leku edo nasa-barruan arrantzu egitea.
- 2.– Ofizialki izoki-leku aldarrikatutako uretan sarez arrantzu egitea nahiz egin nahi izatea.
- 3.– Izoki-arrantzia zilegi den aldian izokiak izaten direneko ibaien amaiera-inguruan arrantzuan sarez aritzea.
- 4.– Eletra-indarrezko gailuak erabiliz arrantzu egitea.
- 5.– Arrantzurako gai pozoitsuak erabili nahi direla egiaztatzen baldin bada, horiek uretatik gertu eukitzea.
- 6.– Ibaiko uretara nahiz horietako uberketara gai elkorrak, buztinak, zaborrak, lokatzak, industri ondakinak nahiz ura zikintzezko edo arrainen bizigarritasun-egoera aldatzezko beste edozein gai, aberastasun-modu honen kalterako izanez botatzea.
- 7.– Uretatik edo hauen bideetatik gertu daudelako, arrain-aberastasunerako kaltegarri izanez, urek eraman edo euriek garbitu ditzaketeneko lekuetan zaborteziak egitea, zabortezi horiek behin-behingorakoak izan, arrainei kalterik egitea galerazteko beharrezko segurtasun-neurriak bete eta dagokion uraldeko Ur-Komisaritzaren baimen eta guztikoak badira salbu.
- 8.– Arrainen pasa-leku eta nasa-barrutarako finkatutako gutxieneko uretorriak daudenean ez uztea.
- 9.– Nahiz eta uraz baliatzeko ardularitzak emandako baimenik izan, uretako biziarentzat beharrezko den gutxieneko uretorria dagoenean ez uztea.
- 10.– Foru-Diputazioko Nekazaritza-Saila hamabost egun gutxienez lehenagotik jakinaren gainean jarri gabe, ubide eta urtegi-tako uren kopurua, baita ibaietatik doana ere, agortzea edo asko gutxitzea, edo esandako Sailak horretarako finkatutako baldintzak ez betetzea.
- 11.– Foru-Diputazioko Nekazaritza-Sailak eman beharreko baimenik gabe, berarizko nahiz bes-telako gaizko oztopoak, olesiak, eslatak, bide-xigorrak, kainategiak, kainaberadiak, arrain-lekuak

egitea eta bete-beteko nahiz zeharka-bidezko arrantzuan aritzeko xedezko lanik edo tresnarik ubideetan egitea nahiz jartzea.

12.– Ubideak aldatzea, ibai-hondotako legartzak andeatzea, ur-etorria bidegabekeriaz gutxitzea, uretako eta ertzetako eta bazterretako landaretza ezabatzea.

13.– Foru-Diputazioko Nekazaritza-Sailak arrain-ondasuna babesteko, zaintzeko nahiz ugaltzeko finkatutako baldintzak, hauek legezko bilakatutako zehaztapidetzaren bidez finkatutakoak izan direnetan, ez betetzea.

14.– Arauzko neurritik beherako arrain nahiz karramarroekin, edo horiek harrapatzea nahiz saltzea debekatuta dagoen aldian, legezko neurritakoekin salerosketan ibiltzea nahiz ibili nahi izatea.

15.– Foru-Diputazioko Nekazaritza-Sailaren antzeko arraultzategiak edo horiek jartzeko baimena duten norbanako nahiz Baltzuenak andearaztea edo baimenik gabe tokiz aldatzea.

16.– Foru-Diputazioko Nekazaritza-Sailak eman beharreko baimenik gabe, herri-uretan nahiz norbanakoenetan, bertan berez bizi direnez bestelako arrain-moetak botatzea.

17.– Zaborrak, zikinkeriak, hondakinak nahiz horien antzeko, Arrain-aberastasunaren kalterako izan daitezkeen beste edozer gai uretara jaurti edo isurtzea.

3. Atala

Ondoren ematen direnak joko dira ibaiko arrantzuko lege-hauspen larritzat eta 25.001etik 50.000 pezetarainoko isunezko zigorra jartzeaz gainera, arrantzurako baimena kendu eta urtebetetik hiru urteko aldian hori berriro eskuratzeko eskubiderik ez izanezko zigorra jarri beharrekotzat:

1.– Hodi, uhaska edo adar gisako ubideetan sarez arrantzu egitea.

2.– Ibaiko ur-korrontaren zabaleraren erdia baino gehiago hartuzko sarez arrantzu egitea nahiz hauek 10 metro edo gutxiagoko zabaleroko uretan erabiltzea; zabalero hau arrantzalea aurkitzen den tokitik gora 25 metrorako eta behera 25 metrorako zatiaren batenaz bestekotzat hartzen da.

3.– Arrain-moeta bakoitzarentzat legez xedatutako zehaztasunak betetzen ez dituzten maila, tarte edo neurritako sare nahiz tresnez arrantzu egitea.

4.– Gebendutako alditan haizu diren sare eta bestelako tresnez arrantzu egitea, kainaberazkoa salbu; honelakoan hutsa hain larria ez delakotzat emango da.

5.– Gurgilez, baez, butroiz, pertolez, atarraiz, esku-sarez, tretzaz, salabardoz, kordeltxoz, egoneko amuhariz, hiru-sarez edo antzeko tresnaz arrantzu egitea, horiek erabiltzea haizu denetan salbu.

6.– Arrainak beita edo apeura erakarri gabe harrapatzeko bide ematen duten tresnez, hona nola, hirurtziz nahiz honen antzekoz, arpoiz, kizkiz, suzko nahiz haize estutuzko armez, etabarrez harrapatzea; haizu diren sare eta beste tresnak ez dira hauetan sartzen.

7.– Urazpiko arrantzuan Foru-Diputazioko Nekazaritza-Sailak baimena emandako tokietatik landa aritzea.

8.– Arrantzu egitea debekatuta dagoeneko toki gebenduetan aritzea.

9.– Izokiaren arrantzu-aldian, horiek noiz pasatzen diren zaindu eta harrapatzeko asmoz ohar egiteko zelatari gisa jartzea, baita, beste arrantzaleei arrantzuan marrukeriaz aritzea errazagotzeko, ibai-zainak nondik nora dabiltzan zaintzea ere.

10.– Foru-Diputazioko Nekazaritza-Sailaren baimenik gabe, arrainen nahiz karramarroen arraultzak saltzea, erostea, garraiatzea nahiz salerosketan aritzea.

11.– Foru-Diputazioko Nekazaritza-Saileko Artezkaritzak eskuratutako zigilu eta jatorri-egiaztagiri eta guztikoak izan behar dutela legez aginduta egon eta horiek gabeko arrain-moetak eukitzea, garraiatzea nahiz horiekin salerosketan aritzea.

12.– Behar bezalako antolapideak izan, bai, baina Foru-Diputazioko Nekazaritza-Sailak horretako baimenik eman gabeko dendetan, izokiaren arrantzurako geben-aldian, latan sartu gabeko izokiak saltzea.

13.– Euren arrantzia gebendurik dagoen aldian, arrain-ustiategietatikako arrainak arauzko zegun, zigilu edo adierazgarri babesturikoak izan gabe eukitzea, garraiatzea nahiz horiekin salerosketan aritzea.

14.– Arrainen pasa-leku edo nasa-barrutien aribide onari oztopoak jartzea.

15.– Ureta arrainen baliapidetarako zuduak elkarri egokitzeko xedez, Arduralaritzak eskatuta baimendunek egindako lanak bere onean behar bezala ez zaintzea.

16.– Uesken gainean, uren gaina edo etorria aldatu-asmoz, horretako baimenik izan gabe, oholak nahiz bestelako tresnak jartzea.

17.– Aginte-eremuen, eskubide-eremuaren edo jabetzaren muga-adierazgarri izanezko mugarri edo zedarriak, baita Foru-Diputazioko Nekazaritza-Sailak jarritako mugatutako, gebendutako zatien, bainutarako aldean eta bestelako adierazpen-iragarkiak ere, botatzea, andeatzea, nahiz tokiz aldatzea.

18.– Foru-Diputazioko Nekazaritza-Sailak eman beharreko baimenik gabe, arrain edo ibaiko karramarro-zaintzarako tegiak egin edo izatea.

19.– Ibai-zaintzarako arduradunak eskatu izanik, arrantzurako erabilitako saskietan dagoena edo tresnak erakusteari uko egitea.

20.– Baimenik gabe arrantzu egitea.

21.– Arrainak errazago harrapatzen laguntzen duten antzezko argiez baliatuz arrantzu egitea.

22.– Arran-aldi ondoren itsasora-bidean doazela harrapatutako zoilu edo izokiak edukitzea, garraiatzea nahiz horiekin salerosketan aritzea.

23.– Foru-Diputazioko Nekazaritza-Sailari gutxienez hamabost egun lehenagoz jakinarazi gabe, hodi eta adar gisako bigarren mailako eraikuntzetatik barrena doan uraren etorria agortzea edo asko gutxitzea, ur-baliapidetarako baimenetatikako arrazoiak oinarri izanez, ezinbesteko kariegatik, adierazpen egitea ezinezko izandakoetan salbu.

24.– Arauzko baimenaren jabe izan gabe edo izendatutako tokietatik kanpo edo emandako baimenean arraintzarako jarritako baldintzak bete gabe, ibai-ondotatik harri-txintxorak nahiz hondarra ateratzea.

25.– Txalupa, errota, egingu eta etxebizitzatarakoez besteko gainontzeko tegien arakaketari buruz Ibaiko Arrantzu-Legeko 54. atalean agindutakoa betetzeari oztopoak jartzea.

26.– Ubideetan, hodietan eta adar gisako edo isurbidetarako uberketan arauzko sareskak ez jartzea nahiz Foru-Diputazioko Nekazaritza-Sailak sareska horietan ipinitako zigiluak erabiltzea.

4. Atala

Ondoren ematen direnak joko dira lege-hauspen ez hain larritzat eta 10.001etik 25.000 pezeta-rainoko isunezko zigorra jarriko zaie:

1.– Beste arrantzale batek jarritako sarea legokeen tokitik 100 metro baino gutxiagora sarez arrantzu egitea.

2.– Edozein ueska edo adarretako ukainetatik 50 metro baino gutxiagora sarez arrantzu egitea.

3.– Arakatu edo zigilatu gabeko sareak edukitzea nahiz erabiltzea.

4.– Arrantzale bakoitzak aldi berean zortzi karramarro-sare, erretel edo kaiola erabiliz, karramarrotan ibiltzea.

5.– Arrantzalea ueska dagoen tokitik edo izokien nasa-lekutarako sarreratik 50 metro baino gutxiagora kokatuz, izoki-ibaietan kainaberaz arrantzu egitea.

6.– Geben-aldian kainaberaz arrantzu egitea.

7.– Beitarako erabiltzen den arrain-moeta arrantzu egiten deneko uretan lehendik berez izaten direnetakoa izan gabe, beita gisa arrain biziak erabiliz arrantzu egitea, Foru-Diputazioko Nekazaritza-Sailak alderantzizko baimena argitara eman dezanetan salbu.

8.– Arauzko baimenaren jabe izan gabe, barruti-aldeetan arrantzu egitea.

9.– Eskuz arrantzu egitea.

10.– Debekatutako orduetan arrantzu egitea.

11.– Arrainak izutuz errezago harrapatzeko asmoz, urak makilaz astintzea nahiz bertara harriak jaurtitzea.

12.– Harrapatzeko Nekazaritza-Sailak finkatutako ale-kopurua gainditzea, eta ibaiko arrantzua-erikioan, Sail horrek emandako manu bereziak haustea.

13.– Debekatutako beita erabiltzea nahiz, Nekazaritza-Sailak baimena emandako aldeetan izan ezik, arrantzurako asmoz uretara beita botatzea.

14.– Harrapatutako izoki gazteak, hauek bizirik nahiz hilik egon, harrapatu bezain azkar atzera uretara ez botatzea.

15.– Beitari koska egin izanaren ondorioz ez, amua arrainaren gorputzeko beste edozein alde-tan kateatu izanagatik baizik, harrapatutako arrainak atzera uretara ez botatzea.

16.– Aingiratan nahiz anproitan ibiltzea haizu denetan hiru naza baino gehiago erabiltzea.

17.– Arrain-aberastasuna babesteko xedez jarritako sareskei bere onean ez eustea.

18.– Ibai-ertz eta bazterretan arrantzaleen onerako jarritako zerbitzu-zorrari oztopoak jartzea.

19.– Arauzko erroldo-zenbaki edo matrikularik gabeko ontziak edo ur gaineko aparailuak arrantzurako erabiltzea.

20.– Arauzko neurrira iristen ez diren arrain nahiz karramarroak atzera uretara ez botatzea edo saskian, zorroan edo arrantzalearen eskuera eukitzea.

21.– Arrantzu-ustiaketak lehentasuna izango duelakotzat aldarrikatutako tokietan arrantzu egi-teari traba eginez, aise aldirako txalupa edo ontzietan ibiltzea.

5. Atala

Ondoren ematen direnak ibaiko arrantzuko lege-hauspen arintzat joko dira eta 10.000 pezeta-rainoko isunezko zigorra jarriko zaie:

1.– Arrantzurako baliozko baimenaren jabe izan eta hori norberek ez eramatea.

2.– Arauzko baimenaren jabe izanik, baimen hori norberek ez eraman gabe, arrantzu-barrutian arrantzuan ibiltzea.

3.– Izokirik izaten ez deneko amuarrain-ibaietan, arrainen pasa-leku nahiz nasako sarrera edo irteera dela berariz adierazitako iragarkia egonik, hortik 25 metro baino gutxiagora arrantzalea nahiz beita jarririk, kainaberaz arrantzu egitea.

4.– Ibai-ertzeko 100 metro baino gehiago hartuz karramarro-sareak botatzea, edo beste arrantzale batek botatuko nahiz botatzen ari den tokitik 10 metro baino gutxiagora jartzea.

5.– Aldi berean bi kainaberaz baino gehiagoz, eta izokitan arituz gero, batez baino gehiagoz, arrantzu egitea.

6.– Beste arrantzale bat bidezko zaion arrantzurako eskubideaz baliatzen lehenagotik ari izanik, horri traba egitea.

7.– Eskea aurrez egin ondoren, beste arrantzaleekiko 20 metroko tartea ez gordetzea.

8.– Izoki-arrantzuan ari den beste arrantzale batek tokia eskatetik ordu erdia igaro ondoren alerik kateatu ez eta, hari tokia utzi gabe ordu erdia baino gehiago egitea.

9.– Norbanako jabetzapeko uretako hegaztien bizileku gisa herri-urez baliatzea.

10.– Nekazaritza-Sailak horretako jarritako iragarkiak daudeneko uretan, zehaztutako tokietatik kanpo igeri egitea.

6. Atala

Lege honetan jarritako zigorren zenbatekoak urtean-urtean eta beste gabe, bezeroen prezioen erakuskariaren arauera eguneratuko eta aurreko urteko zigorraren zenbatekoan oinarrituz ezarriko dira.

Aurreko lerroaldian oinarrituz egindako kalkulotik ateratako zenbateko berriak urtero, lurralde bakoitzeko Agintaritza-Aldizkarian argitaratzeko ardura Foru-Diputazio bakoitzeko Nekazaritza-Sailarena izango da.

ERABAKI GEHIGARRIA

Lege hau onartzen denetik hasi eta urtebeteren barruan, araudi-bidez finkatuko dira ehizeko baimena eskuratzeko beharrezkoa izango den ehiztari-azterketa egin nahi dutenek gainditu beharko dituzten jakintza zehatzak eta saioak.

ALDI BATERAKO ERABAKIETAKO LEHENENGOA

Eusko Jaurlaritzak, Lege hau onartzetik hasi eta bi urteren barruan, ehiza eta arrantzua geldiarazi beharrari buruz, Industria eta Nekazaritza-Batzordeari bidali beharko dion txostena gertatzeko balioko duen E.A.E.ko mugarteko ehizari buruz, goitik beherako azterlana egin beharko du.

ALDI BATERAKO ERABAKIETAKO BIGARRENA

Dagokion araupeketa Eusko Jaurlaritzak egin ez dezan bitartean, 1971.eko martxoaren 25eko Ehizeko Legearen Araudiko ondoren ematen diren ataletara jo beharra kontutan izan beharko da:

1.– Legeko 1.2.1 atalean esaten den "ehizerako jabe-izena" Araudiko 6. atalean oharreztatzen da.

2.– Legeko 1.1.3, 1.2.23 eta 1.3.13 ataletan esaten den "ehizeko berarizko jaurpidea" Araudiko 25.2 atalean oharreztatzen da.

3.– Legeko 1.3.18 atalean esaten den gebena Araudiko 27.7 atalean oharreztatzen da.

4.– Legeko 1.3.30 atalean ematen den hegaztien zerrenda Araudiko 4.2.b) atalean ematen dena da.

5.– Legeko 1.3.34 atalean esaten den Txostena Araudiko 12.5.b) atalean oharreztatzen da.

6.– Legeko 1.4.11 atalean esaten den zakurrak ibiltzeari buruz indarrean dauden manuak Araudiko 15. atala osatzen dutenak dira.

INDARGABETZEKO ERABAKIA

Lege honetan esaten denaren aurkako agindu guztiak indargabetuta geratzen dira.